

## PROCEDURA

Stručni ispit radne osposobljenosti se sastoji iz teorijskog i praktičnog dijela.

Teorijski dio ispita se sastoji od 5 predmeta, i to:

- **Osnovi primjenjenih tehničkih disciplina,**
- **Tehničko tehnološke karakteristike trafostanica i razvodnih elektropostrojenja,**
- **Eksploatacija postrojenja,**
- **Sprovođenje održavanja postrojena-elektroenergetskih objekata,**
- **Primijenjena organizacija rada i zaštita na radu.**

Na ispitu će za svaki predmet biti po 4 pitanja i 20 poena po predmetu, odnosno za svako pitanje po 5 poena. Na ispitu će se dati 5 listica, za svaki predmet po jedna, sa po 4 pitanja. Pitanja se sastoje, uglavnom od više potpitanja.

Na taj način će se formirati jedinstvena lista od 20 pitanja (sa potpitanjima), odnosno 100 poena.

Kod bodovanja boduju se kako tačni (+poena), tako i netačni (-poena) odgovori.

Ako kandidat gdje je predviđen jedan tačan odgovor zaokruži dva odgovora, automatski se podrazumjeva da je odgovorio netačno i dobija nula poena.

Kod pitanja sa više tačnih i netačnih odgovora u pitanju, bodovanje se vrši na sljedeći način:

1. Ako se pitanje sastoji iz dva potpitanja, prvo se nađe ukupan broj poena za svako od potpitanja kao  $P = P_u / 2$ , gdje je  $P_u$  ukupan broj poena za pitanje,  $P$  ukupan broj poena za svako potpitanje.
2. Kada podpitanje ima više ponuđenih tačnih i netačnih odgovora, broj poena za svaki tačan odgovor se računa:

$$p1 = \frac{P}{n} \text{ gdje je}$$

$p1$ -broj poena za svaki tačan odgovor (ili negativnih poena za netačan)

$P$ -ukupan broj poena za to pitanje (podpitanje)

$n$ -broj tačnih odgovora.

Ako ima više netačnih od tačnih odgovora, rezultat ocjene po jednom pitanju ne može biti manji od nule, kako to pitanje ne bi uticalo na rezultate odgovora na ostala pitanja (ukupni zbir poena po svim pitanjima). Negativni poeni bi prema tome imali uticaj na bodove samo unutar svakog od pitanja, odnosno potpitanja.

**Kandidat je zadovoljio ako je ostvario 50%, odnosno najmanje 10 poena po predmetu!!**

Ocjenjuje se za svaki predmet sa "zadovoljio" ili "nije zadovoljio".

Ako kandidat dobije ocjenu "zadovoljio" iz najmanje tri predmeta, upućuje se na popravni iz predmeta za koje je dobio ocjenu "nije zadovoljio".

Kandidati koji polože teorijski dio ispita – iz svih pet predmeta dobiju ocjenu "zadovoljio", upućuje se na polaganje praktičnog dijela ispita.

Praktični dio ispita se polaže u elektroenergetskim objektima za koji se kandidati osposobljavaju da rade. Kandidat polaže usmeno pred Komisijom. Liste pitanja za praktični dio ispita će biti dostavljene svim kandidatima koji polože teorijski dio ispita.

Ocjena na praktičnom dijelu ispita je "**zadovoljio**" ili "**nije zadovoljio**".